



Na osnovu člana 3. stav (1) Zakona o službi u OS BiH („Službeni glasnik BiH“ broj:88/05, 53/07, 59/09, 74/10,42/12 i 41/16), a u skladu sa odredbama 2., 20., 21., 22., 23., 24., 25., 26. i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010.godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane Bosne i Hercegovine raspisuje,

J A V N I K O N K U R S
za školovanje kadeta na Vojnoj akademiji Univerziteta odbrane u
Republici Srbiji - Beograd za školsku 2018/2019. godinu

I – PREDMET KONKURSA

Ministarstvo odbrane Bosne i Hercegovine raspisuje Javni konkurs za školovanje 11 (jedanest) kadeta na Vojnoj akademiji Univerziteta odbrane u Beogradu, Republika Srbija i to na:

1. Vojno medicinskoj akademiji 1 (jedan) kadet, studijski program medicina (školovanje oficira doktora medicine u trajanju od 6 godina) i na
2. Vojnoj akademiji Univerziteta odbrane 10 (deset) kadeta na studijskim programima: „Menadžment u odbrani, Vojnoelektronsko inženjerstvo, Protivzrakoplovna odbrana, Logistika odbrane i Vojno zrakoplovstvo“, za školsku 2018/2019. godinu, po sljedećem:
 - a) 4 (četiri) kadeta za studijski program „Menadžment u odbrani“ modul pješadija 2 kadeta (školovanje oficira pješadije) i modul inženjerija 2 kadeta (školovanje oficira inženjerije), u trajanju od 4 godine,
 - b) 1 (jedan) kadet za studijski program „Vojnoelektronsko inženjerstvo“ modul telekomunikacije/veze 1 kadet (školovanje oficira telekomunikacije/veze), u trajanju od 4 godine,
 - c) 1 (jedan) kadet za studijski program „Protivzrakoplovna odbrana – modul ARJ PZO 1 kadet (školovanje oficira ARJ PZO) u trajanju od 4 godine,
 - d) 3 (tri) kadeta za studijski program „Logistika odbrane“ – modul održavanje 2 kadeta (školovanje oficira tehničke službe) i modul transport 1 kadet (školovanje oficira saobraćajne službe) u trajanju od 4 godine,
 - e) 1 (jedan) kadet za studijski program „Vojno zrakoplovstvo“ – modul pilot helikoptera 1 kadet (školovanje oficira vojnog zrakoplovstva) u trajanju od 5 godina.

II – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12 i 41/16"):
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama,
 - c) da nije osuđivan na безусловnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,

- e) da se protiv njega ne vodi krivični postupak za krivično djelo za koje se goni po službenoj dužnosti,
- f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).

2. Posebni uslovi:

- a) završena srednja škola IV stepen ili da trenutno pohađa IV razred srednje škole,
- b) završena gimnazija ili srednja medicinska škola za kandidate koji konkurišu za VMA (vojno medicinsku akademiju),
- c) da je u svakom razredu/polugodištu postigao/la najmanje vrlo dobar uspjeh (kandidati/kinje sa prosjekom ocjena odličan će imati prednost ako dva ili više kandidata/kinja imaju jednak ukupan broj bodova),
- d) kandidati/kinje koji trenutno pohađaju IV razred srednje škole, po završetku istog, a najkasnije do 23.06.2018.godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva odbrane Bosne i Hercegovine,
- e) kandidati/kinje koji trenutno pohađaju IV razred srednje škole, po završetku istog, moraju u svjedočanstvu imati minimalno isti prosjek ocjena iz svih predmeta kao i na polugodištu četvrtog razreda koje su predali u dokumentima za prijavu na javni konkurs Ministarstva odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na polugodištu četvrtog razreda,
- f) - da nije mlađi/a od 18 i stariji/a od 21 godine na dan 15.09.2018. godine za Vojno medicinsku akademiju, studijski program medicina,
- da nije mlađi/a od 18 i stariji/a od 22 godine na dan 15.09.2018. godine za studijski program „Vojno zrakoplovstvo“,
- odnosno od 23 godine za ostale studijske programe,
- g) znanje engleskog jezika,
- h) fizička spremnost:
 - kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 m.

Napomena: Kandidati/kinje prijavljeni na Javni konkurs biće testirani iz: matematike (primjeri zadataka objavljeni su na web stranici MO BiH), engleskog jezika, fizičke spremnosti i intervju. Sigurnosnu provjeru za svakog uspješnog kandidata/kinju izvršit će nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

Kandidat/kinja ima pravo prijave na maksimalno 2 (dva) studijska programa.

Kandidati/kinje za kadete studijskog programa „Vojno zrakoplovstvo“ moraju da ispune i dodatne uslove propisane posebnim programom, medicinsko-zdravstvene i psihološke ocjene kandidata/kinja za taj studijski program. Ocjena sposobnosti kandidata/kinja po ovom programu vršiće se i na Vojno-medicinskoj akademiji u Beogradu, Republika Srbija. Termin ocjene sposobnosti biti će naknadno određen.

Rangiranja kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Školovanje kadeta Vojno medicinskoj akademiji u Beogradu, Republika Srbija, na studijskom programu medicina traje 6 (šest) godina,
2. Školovanje kadeta na Vojnoj akademiji Univerziteta odbrane u Beogradu, Republika Srbija na studijskim programima “Menadžment u odbrani, Vojnoelektronsko inženjerstvo, Protivzrakoplovna odbrana i Logistika odbrane, “ traje 4 (četiri) godine.
3. Školovanje kadeta na Vojnoj akademiji Univerziteta odbrane u Beogradu, Republika Srbija, na studijskom programu „Vojno zrakoplovstvo“ traje 5 (pet) godina.
4. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10, 42/12 i 41/16) i članom 29 Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12,42/12 i 41/16).
5. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
6. Međusobne obaveze kandidata/kinja izabranih za školovanje na Vojnoj akademiji Republike Srbije i Ministarstva obrane Bosne i Hercegovine regulišu se Ugovorom o školovanju.
7. Za vrijeme školovanja kadetima su osigurani smještaj i ishrana u internatu Vojne akademije.

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba),
- b) Ovjerene kopije svjedočanstava svih razreda srednje škole/potvrda sa ocjenama na polugodištu 4. razreda,
- c) Ovjerena kopija diplome četverogodišnje srednje škole odnosno, svjedočanstva sa polugodišta četvrtog razreda ukoliko lice pohađa četvrti razred,
- d) Original ili ovjerena kopija Uvjerenja o državljanstvu na novom obrascu, ali ne starije od 6 (šest) mjeseci,
- e) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- f) Uvjerenje o nevođenju krivičnog postupka, ne starije od 3 (tri) mjeseca,
- g) Potvrdu ili uvjerenje institucije/pravne osobe da u posljednje 3 (tri) godine nije otpušten/a sa posla zbog povrede službene dužnosti (za kandidate/kinje koji su bili ili su još zaposleni) ili Izjava kandidata/kinje ovjerena kod nadležnog općinskog organa,
- h) Prijava boravišta CIPS-a ne starija od 6 (šest) mjeseci,
- i) Dokaz o poznavanju rada na računaru (za kandidate/kinje koji tokom srednje škole nisu imali predmet informatika).

Napomena: Konkursna dokumentacija neće se vraćati kandidatima/kinjama.

V ODABIR KANDIDATA

Odabir kandidata izvršit će Komisija koju će formirati Ministrica odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Javni konkurs za školovanje kadeta u Republici Srbiji“

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj: 10-33-2-835-6/18

Sarajevo, 29.03.2018. godine

MINISTRIČA

Marina Pendeš